

Ogni
can
mena la
coa,
ogni
mona
dise la
soa.

Discursi da ostarìa

Dio
manda
el fredo
secondo
i pani

Cuotidiano che vien fuora ogni tanto, che scolta, conta e smentisse tuto

DIREZION, REDAZION, AMINISTRAZION, STANPARÌA, VÈNDIA, LUOGO DE NÁSSITA, MAGAZIN: TUTO DA PESSATI

Dopo la quarta prima Pietra

Finalmente l'Inaugurazione — Cesco

Chi pensava che na volta verta la casa de riposo, co za 20 e più ospiti che xe ospità, fusse finie le pose dele prime piere e o inaugurazion xe sbagliava de grosso. Sabo 16 Aprile la xe sta ianugurà nantra volta. Stavolta xe sta fato le robe in grande, ghe iera el Vescovo, l'Assessore regionale, el Sindaco, Don Joani e on mucio de altra zente che ala fine de i discursi, del tajo del nastro e la consegna da parte de l'aministrazion comunale de la cittadinanza onoraria a Don Joani, tuti xe ga comodà al gran rinfresco che jera sta preparà e i ga magnà ben. Na bela giornata. Adesso però basta inaugurazion .



Lenguazze ...

La Rosa
xe 'ndà a piè a
Santiago de Compostela.
Pecà
La ga catà
sarà

ISTA' — El Mestro

Caldo che brusa i pensieri
e de ti solo el respiro.
So' qua ca me remeno,
e l'ànema se perde
insieme al suóre.
Se ti no te dormissi
vorìa fare l'amore.
Ma ti...

OI OI LE LOCANDINE

Consigli par i manifesti — Tomaso



A conosso on posto dove che so na parete se pole tacare manifesti, locandine, avvisi ecc... ecc... Purtroppo so sto posto ghe xe de la brutta zente . Capita che apena vien tacà qualche manifesto, ghe xe subito la corsa de sti critici a lezarlo par vere la sodisfazion de catarghe i difeti -Cosa xela sta roba ? -Chi xe che fa sta rassegna - L'impaginazion fa schifo - I culuri, jera mejo se i lo fasea in bianco e nero - I carateri i xe sbaglià - i punti e le virgole xe tuto fora posto. Ma sai cossa che vuol dire stilare un manifesto, volantin, ecc... e xe par questo ca difendo senpre a oltranza chi che ga sto ingrato compito. Consigliaria però a sti poverini de rispettare do , tre regolete. 1° No desmentegarse mai de metare la data. 2° Ricordarse senpre el luogo . 3° Vardare ben de no fare erori de ortografia. 4° Che sia ben ciaro chi che organizza l'evento. 5° Se l'è massa grande no va ben, se l'è massa piccolo no va ben, se l'è giusto no va ben. Quando che i responsabili che ga partorio sta locandina ga respetà ste zingue regolete se i gavarà el coraio de tacare el manifestin so sto postazzo, i xe fortunà se el voto che i ciaparà da sta brutta zente el variarà dal 3 al 4 o dal 4 al 5. A meno che el laoro no vegna fato da ili, allora el capolavoro vegnarà promosso a pieni voti.

Eviva la democrazia

IN CAMMINO

Na caminada fin a

Santiago — Roseta

Ciao Roseta -- Ciao Laureta. “A te si in ritardo stamatin” - “ Si a jero indecisa se vegnere o no a caminare parchè doman a parto par Santiago” - “ PAR DOVE ? “ - “ A vago a fare i ultimi 100 Km de Santiago in Spagna” - “ A te si mata” .

A so 'ndà ma no me so sentia mata. Che confusion ca gavea dentro prima de partire. Tante paure: dee vesighe sui piè; male le gambe; de no avere la forza de farghea; la piova; e Ancora pezo quando ca go leto sol primo paracarò i chilometri che ghe mancava “110,646” . A iero drio partire che una me dise “Buen Camino”, fata: me son sentia in cammino, i primi chilometri i se sta lunghi, ma andando vanti me ghea ciapà on non so che , beh ogni tanto me scampava de dire con na gira voltola in mezo al stradon “ oh come sono contenta”. A go contajà tuto el grupo.

Go visto tanta zènte bèla che , quando che i te passava vizin la faccia la jera serena, sorridente. El “buen cammino” o “ola” nol mancava mai. A so sta bèla anca mi parchè a go saludà tuti come se i ghesse sempre visti. Quati personaj ca go conoesto: On toso da Villadose co la morosa da Milàn,



du consuoceri , on grupo de Romani fermi a ogni “Tapa” a magnare e po la Antonietta, na tosa da Brescia che la rideva co i oci e co la boca come la Liliana. A Santiago, in mezo a tuta che la confusion se ghemmo catà ben do volte. La Marina, na musseta che la ga tirà el on caretin par tuti i ottozento chilometri del camino co on cagneto in gropa. In tuto questo a go capio che i odori xe uguale dapartuto; ma el profumo de eucalipto che ne ga acompagnà par tuto el percorso, l'è na roba ca no se puole spiegare, tanto che a me dispiasea parfin de fare calcossa (de liquido) in mezo a che la bela natura. Dopo le siè tape a semo rivà a Santiago e rivare volea dire che el viajo jera finio. Massa belo. Subito dopo el cartelo Santiago ga scumizià a

piovare (la prima in tuto el cammin) e la ghemmo ciapà come na benedizion. Rivà davanti la Cesa diluviava , che EMOTION. A jero tuta moia, anche la faccia, ma no de piova. A gavea on grupo dentro che on fià ala volta el se ga smolà e me so sentia contenta, leziera, ben dentro de mi. San Giacomo el ne vardava tuti , credenti o no, parchè quei che fa el camino, voia o no voia, i vien a casa diversi e co la voia de tornarghe oncora. No ve conto gnente de i posti parchè cussi a ve vien voia de 'ndarghe e allora capì che no go fato gnente de particolare, ma che son sta fortunà a esarghe 'ndà e tornà anche se co na insacada.

RENZI DA PESSATI

CLAMOROSO



Giro in Romagna

Domenega 12 Giugno

l'Associazione “Amici di Walter Barin” se sta in giro pa la Romagna co la visita a Imola alla Cantina Monticino Rosso, che fa del bon vin bianco, a Dozza a visitare el borgo co i so murales , el Castello co la Cantina Regionale. Bella giornata. “Ghemmo magnà ben”